



7 Feveiru 2020

Komunikadu Imprensa

Ba Informasaun adisionál, kontaktu ba:

Rosario Maia, Media Specialist

Embaixada Estados Unidos Amérika, Dili, Timor-Leste

Tel: +670 332 4684, 77908209

### Embaixada Estados Unidos Amérika, Governu Timor-Leste no Bayu-Undan Joint Ventures Fó Onra ba Bolseiru Timoroan Sira Iha Programa Interkámbiu Akadémiku

Timoroan 100 resin ne'ebé simu ona Bolsa-Estudu J. William Fulbright, Bolsa-Estudu Fulbright-SERN no Bolsa-Estudu Estados Unidos-Timor-Leste (USTL), no programa sira seluk, hetan ona rekoñesimentu espesial durante eventu selebrasaun ida halao iha Timor Plaza iha loron 7 Feveiru 2020.



*Resepientes nain neen ba Bolsa-Estudu Fulbright iha tinan ne'e*

Embaixadora Estados Unidos Amérika Kathleen M. Fitzpatrick ba partisipa hamutuk ho representante Autoridade Nasionál Petróleu no Minerais (ANPM) Sr. Oscar Faria, no representante ConocoPhillips, Robin Araujo nomós bainaka sira seluk iha resepsaun refere. Eventu ne'e konta ho Timoroan nain neen (6) ne'ebé sei aranka iha fulan hirak tuir mai ba Estados Unidos Amérika hodi halao sira-nia estudus ne'ebé finansia ho Bolsa-Estudus Fulbright no Fulbright-SERN. Sra.

Maria Barreto Gama simu Bolsa-Estudu Fulbright. Sr. Atanasio Pereira Xavier, Sr.

Januario Riberio da Costa, Sr. Nelson Mesquita, Sr. Shobari Guterres Nunes, no Sr. Gregorio do Rosario Pinto simu Bolsa-Estudu Fulbright-SERN ba tinan ida-ne'e nian. Estudante sira ne'e sei ba halao estudu mestradu iha universidade oi-oin EUA nian.

Iha nia diskursu, Embaixadora Fitzpatrick koalia kona-ba importánsia edukasaun ba Timor-Leste nia futuru. “Inisiativa edukasaun hanesan ne'e lori ita besik liutan ba atinje ita-nia metas komun, no ha'u fiar katak joven Timoroan sira preparadu hasoru dezafiu sira ne'ebé ita enfrenta.” Nia mós fó énfaze ba nível dedikasaun aas ne'ebé estudante sira ne'e hatudu ba sira-nia nasaun, hodi dehan, “Razaun ida tanba sá ita-nia resepiante talentozu sira ne'e selesionadu ba Bolsa-Estudu hirak ne'e tanba sira inkorpora Prezidente John F. Kennedy nia liafuan famozu: “Labele husu saida maka ó nia rain bele halo ba ó, husu saida maka ó bele halo ba ó nia rain.”

Embaixada Estados Unidos Amérika no nia parseiru sira sei kontinua nafatin esforsus hodi habelar liután partisipasaun Timoroan sira nian iha programa hirak ne'e hanesan meius efetivu hodi hametin relasaun bilateral, no iha tempu hanesan promove kreximentu ekonómiku no

seguransa iha Timor-Leste. Ministériu Negósiu Estratejiru Estadus Unidus Amérika nia Diresaun Asuntus Edukasaun no Kultura mak finansia Programa Fulbright ba Estudante Estratejiru no Programa Bolsa-Estudu Estadus Unidus-Timor-Leste (USTL), ho apoiu adisionál husi Bayu-Undan Joint Ventures ba iha Bolsa-Estudu Mestrado Fulbright-SERN.

ConocoPhillips, lori parseiru Bayu-Undan Joint Venture nia naran, orgullu ba parseria ho ANPM no Embaixada EUA ba programa valiozu ida ne'e. Hanesan parte ida husi komitmentu konteudu lokal iha Timor-Leste, projetu Bayu-Undan kontribui ona millaun \$1.3 ba programa bolsa-estudu Fulbright-SERN, atu kontribui ba dezvoltimentu rekursu umanu iha Timor-Leste.

To ohin loron, estudante Timoroan nain 20 gradua ho susesu husi programa ne'e iha area sira ne'ebé sira halao estudu ba, ligadu ho petroleu no mineral husi universidade ne'ebe sira hili iha EUA. Sira barak mak fila ona no kontribui ba dezvoltimentu nasaun nian iha setor públiku no privadu.

Robin Araujo, ne'ebé representa ConocoPhillips iha eventua ne'e hateten "ohin, ami haksolok hodi simu graduadu ida tan husi Fulbright-SERN, Gilsel Borges ne'ebé kompleta ona nia Mestrado iha Jeolozia husi Illinois University at Carbondale no fila hikas mai Timor-Leste iha loron 24 Dezembru 2019. Iha forma ne'ebé hanesan, ami deseja susesu ba bolseiru nain nen Fulbright nian ne'ebé sei ba EUA iha tinan ne'e. Ami espera imi bele uza tempo ho didiak iha ne'eba no sai Embaixador diak Timor-Leste nian iha Estadus Unidus.

ANPM lori Governu Timor-Leste nia naran, apresia esforsu kolaborativu ne'e hodi kontinua oferese ba Timoroan matenek sira bolsa-estudu prestijiadu husi Programa Fulbright-SERN ba tinan dalimak iha 2020. "Ami agradeso Governu Estadus Unidus Amérika, ConocoPhillips no Bayu-Undan Joint Ventures tanba hatudu ona kompromisu ba iha programa ne'e liuhusi oferese Bolsa-Estudu Fulbright-SERN ba Timoroan exelente nain lima (5) ohin," haktuir Prezidente ANPM Gualdino do Carmo da Silva iha nia diskursu iha eventua refere. "Ami fiar katak ne'e oportunidade exelente ida ba sidadaun Timoroan nain neen ne'ebé selesionadu hodi kontinua sira-nia estudu akadémiku iha Estadus Unidus Amérika iha área sira ligadu ba petróleu no gás atu nune'e kontribui nafatin ba Timor-Leste nia dezvoltimentu." Programa ida ne'e implementa ona ho susesu no kontribui signifkativamente ba dezvoltimentu kapital umanu Timor-Leste nian, especialmente iha petroleu, rekursu natural, no área sira ligadu ho enerjia nian. Sr. Oscar Faria, representa ANPM iha eventua ne'e subliña katak "Ho kooperasaun atual entre parseiru relevante sira hodi atinje objetivu programa SERN-Fulbright, número Timoroan kualifikadu sira ne'ebe servisu iha setor enerjia no área seluk sei aumenta ba beibeik iha tinan hirak tuirmai. Iha final husi programa ne'e ita sei hetan graduadu kualifikadu Fulbright Timor oan nain 26. ANPM hodi naran governu Timor-Leste nian apresia no kontente ho kooperasaun ne'ebé diak ho ConnocoPhillips no Embaixada EUA iha Timor-Leste durante implementasaun programa ne'e.

Hakarak hetan informasaun barak liután kona-ba Bolsa-Estudu sira ne'e no interkámniu sira seluk, bele haree iha Embaixada Estadus Unidus Amérika nia pájina internet: [website](#) no ANPM nian: [website](#).

REMATA